




ՎԵՀԱՓԱՌ ՀԱՅՐԱՊԵՏԸ ՄՈՍԿՎԱՅՈՒՄ

Ապրիլի 25-ին՝ երեքշաբթի օրը, Վեհափառ Հայրապետը հովվապետական այցելության մեկնեց Մոսկվա՝ ընկերակցությանը Արարատյան թեմի փոխանորդ տ. Վահան եպս. Տերյանի և դիվանապետ Հ. Առաքելյանի:

Երեւանի օդանավակայանում Վեհափառ Հայրապետին ճանապարհեցին Մայր Աթոռի միաբանությունը՝ լուսարարապետ տ. Հայկազուն արքեպ. Աբրահամյանի գլխավորությամբ:

Հայոց Հայրապետին ճանապարհեցին նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահի տեղակալ Ս. Հովհաննիսյանը:

Մոսկվայի Վնուկովոյի օդանավակայանում Ամենայն Հայոց կաթողիկոսին դիմավորեցին՝ Ռուսաստանի և Նոր Նախիջևանի թեմի առաջնորդ տ. Պարզե եպս. Գևորգյանը, թեմական խորհրդի անդամները և տ. Ալեքսի արքեպիսկոպոսը՝ Ն. Սրբություն Մոսկվայի և համայն Ռուսիո պատրիարք տ. Ալեքսիի անունից:

Հայոց Հայրապետին դիմավորելու էին եկեղեցական ՍՍՀ Մինիստրների սովետին առընթեր կրոնից գործերի խորհրդի նախագահի տեղակալ Մակարցևը և ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դալլաթյանը:

Օդանավակայանում ողջույնի և բարիգալության ջերմ խոսքերից և ընդունելությունից հետո Վեհափառ Հայրապետը Իր շքախմբով առաջնորդվում է «Լենինգրադսկայա» հյուրանոցը:

Ապրիլի 26-ին՝ չորեքշաբթի օրը, առավոտյան ժամը 12-ին, Վեհափառ Հայրապետը

պաշտոնական այցելություն է տալիս ՍՍՀ Մինիստրների սովետին առընթեր կրոնից գործերի խորհրդի նախագահ պր. Կուրոյեզովին:

Վեհափառ Հայրապետին ընկերակցում էին Ռուսաստանի և Նոր Նախիջևանի թեմի առաջնորդ տ. Պարզե եպս. Գևորգյանը, Արարատյան թեմի առաջնորդական փոխանորդ տ. Վահան եպս. Տերյանը և Մայր Աթոռի դիվանապետ Հայկ Առաքելյանը:

Ամենայն Հայոց կաթողիկոսի և կրոնից գործերի խորհրդի նախագահի միջև տեղի է ունենում զրույց՝ ջերմ մթնոլորտում:

Ապրիլի 27-ին՝ Ավագ հինգշաբթի, և 28-ին՝ Ավագ ուրբաթ, Մոսկվայի հայոց ս. Հարություն եկեղեցում, ավանդական հանդիսությամբ, կատարվում են զատկական սրբազան արարողություններ՝ ոտնալվան, խավարման գիշերի ժամերգությունը, խաչելության և թաղման կարգը՝ տ. Պարզե և տ. Վահան եպիսկոպոսների մասնակցությամբ, ի ներկայություն հավատացյալների:

Ապրիլի 29-ին՝ Ավագ շաբաթ. Ճրագալույց: Վեհափառ Հայրապետի նախագահությամբ ս. Հարություն եկեղեցում կատարվում են ճրագալույցի ժամերգությունն ու երեկոյան հանդիսավոր պատարագը:

Ճրագալույցի պատարագը մատուցում է թեմական առաջնորդ տ. Պարզե եպս. Գևորգյանը և բարոգում «Զե աստ, ալլ յարեալ» ընաբանով: Պատարագից սրբազանը իր բարոգի սկզբում, հանուն թեմի եկեղեցական իշխանության և հավատացյալների, ջերմորեն ողջունում է Վեհափառ Հայրապետի

շնորհաբեր ներկայությունը՝ բարի գալուստ մաղթելով ն. Ս. Օծուխյանը:

Ապրիլի 30-ին՝ կիրակի (հին տոմարով). «Տօն հրաշափառ Յարութեան Տեառն մերոյ Յիսուսի Քրիստոսի»:

Առավոտյան ժամը 11-ին Վեհափառ Հայրապետը հանդիսավորապես առաջնորդվում է Մոսկվայի հայոց ս. Հարություն եկեղեցին, ուր մուտք է գործում «Հրաշափառ»-ով: Եկեղեցին լիքն է հավատացյալ բաղմոթյամբ: Այնուհետև հանդիսավոր ս. պատարագ է մատուցում և քարոզում Վեհափառ Հայրապետը՝ «Քրիստոս հարյավ ի մեռելոց» բնաբանով՝ ի մխիթարություն և ի հոգևոր ուրախություն բոլորի, հաղորդելով նաև Մայր Աթոռ ս. Էջմիածնի օրհնություններն ու իր հայրապետական ողջույնները:

Պատարագից հետո, ի պատիվ Վեհափառ Հայրապետի, թեմական խորհուրդը ճաշկերույթ է տալիս:

Դայիսի 1-ին՝ երկուշաբթի օրը, կեսօրվա ժամը 1-ին, Վեհափառ Հայրապետը Մոսկվայի ռուսաց պատրիարքարանում այցելում է նորին Սրբություն տ. Ալեքսի պատրիարքին, որը շրջապատված ռուս բարձրաստիճան հոգևորականներով, եղբայրական ողջագուրումով դիմավորում է Հայոց Հայրապետին:

Տեղի ունեցած ջերմ զրույցի ընթացքում Ամենայն Հայոց կաթողիկոսը Ալեքսի պատրիարքին հրավիրում է Մայր Աթոռ ս. Էջմիածին: Ն. Սրբություն Ալեքսի պատրիարքը սիրով ընդունում է հրավերը:

Մայիսի 2-ին՝ երեքշաբթի օրը, Վեհափառ Հայրապետը հրաժեշտ առնելով Մոսկվայի հայ համայնքից և թեմական խորհրդից, վերադառնում է Մայր Աթոռ ս. Էջմիածին:

Վնուկովոյի օդանավակայանում Ամենայն Հայոց Հայրապետին ճանապարհելու էին եկել տ. Պարգև եպս. Գևորգյանը և թեմական խորհրդի անդամները:

Հայոց Հայրապետին ճանապարհում են նաև ՍՍՀՄ Մինիստրների սովետին առընթեր կրոնից գործերի խորհրդի նախագահի տեղակալ Մակարցևը:

Երեկոյան ժամը 6-ին Երևանի օդանավակայանում Վեհափառ Հայրապետի ժամանումը ողջունում են Մայր Աթոռի միաբանությունը՝ լուսարարապետ սրբազան հոր գլխավորությամբ: Վեհափառ Հայրապետի ժամանումը ողջունում է նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահի տեղակալ Ս. Հովհաննիսյանը: Մայր տաճարում իր աղոթքը կատարելուց հետո, Վեհափառում, միաբանությունը աջահամբույրով բարի գալուստ է մաղթում Վեհափառ Հայրապետին:

